

Na rescate di "Asambeho": Un ritmo netamente Arubiano

ORANJESTAD (AAN) -- Docentenan di musica cu ta participando den e programa di Fundacion Desaroyo Educativo Comunitario, tur ta na rescate di e ritmonan puramente Arubano, entre otro, Asambeho.

Di unda e number Asambeho ta origina? Esaki ta un combinacion di algun di e letranan di: Arnol, Samuel, Beyde y Hodge, kendenan ta pionero den un ritmo completamente crioyo Arubiano cu nan a inventa, y cu pesey a haya e number di ASAMBEHO.

E docente Ebby Peterson a splica den entrevista cu

DIARIO cu e ritmo aki cu ta worde toca den carnaval tin mas of menos binti aña bieu, y ta como diescincu aña pasa a worde reconoci y poni como tal, esta "Asambeho".

E ritmo aki ta un di nan cu ta haya hopi enfasis durante dunamento di les di instrument den e programa di Desaroyo Educativo Comunitario, hunto cu wals, tumba, danza, y mazurca.

Asambeho a keda sin sona pa un temporada, y e docente ta haya hopi jammer cu tin di e muchanan cu ta toca den grupo awendia, ta adopta ritmonan di otro paisnan la-

gando di nan afo, of ta hacie moderno esta agregando otro cos den dje, loke ta pone e ritmo perde su esencia, su dulzura y su color.

Actualmente e docentenan aki ta na rescate di Asambeho, y tin un persona envolvi den Ministerio di Cultura, cu tin un compilacion di e ritmo riba video y audiotape, pa e personanan y bandanan interesa por scucha e ritmo manera berdaderamente e ta.

Riba video por wak con nan ta toque riba drums, na tomtom, bassdrum, snare y tur instrument di percusion usa pa brassband den car-

naval, pa wak y tende con pa toca e ritmo corectamente ta. School di Desaroyo Educativo Comunitario tin un banda forma pa alumnonan y mayoria biaha ta duna concierto pa ciere di aña escolar, y tambe den temporada di pasco, den barionan.

E banda ta duna su aporte caminda tur alumno ta toca, y den e repertorio tin varios cancion di e temporada concerni unda, y pa sera e actividad semper ta cu e ritmo di Asambeho.

Canticanan tipico di Aruba y

melodianan di Jinglebels tambe por worde toca na ritmo di Asambeho, segun señor Peterson a comenta.

TELEFONNAN
DI DIARIO
826747
FAX
828551